

Gstanzl-Saummla fürs Summafest 2026 in da Wüdnau (von A&E):

Beim Festl z'Wüdnau - ja do geht's lustig zua,
do feiern de Segla, des Dindl, da Bua!

Mia zwoa tan a so - ois kinnat ma singa,
dabei wird enk eppan glei s'Trommifä z'springa!

Bei da Gstanzl-Singarei da wird sicha nemd schlau,
es wer'n hoid so maunche durchzog'n in Kaukau!

An Clubchef seine Kina san loang scho geborn,
zum Glick hat er hiazt erst sei Sackl valorn!

De Raumkreiz wa schnella, so moanat da Schwab,
aba d' Butterfliaga hattn desmoi de bessere Gab!

De Siega vom Vorjoar geht da Valust sehr zu Herzen,
oaba koa Sorg', iha kriags heia e d' Schlussliachtkerz'n!

De Puttis, de schleichn vo hinten se an,
aba de Deppm da voan gegan ned aus da Bahn!

Da Christoph, da Haptmau, ja und seine Leit,
de haum se bei da Sternfahrt heia gauz bsundas gfreit!

Den Cup oiso heia gaunz neiche haum g'wunga,
de Oidn wa'n dabei vor Frust fast zersprunga!

Mia tadn ja gern nu a weng lenga singa,
aba nur, waun's ins nexte Mal endli loasts g'winga!

D' Musikanten, de mach'n ins desmoi fü Freid,
drum woan ins're Gstanzl a gaunz b'sundas g'scheit!

Mia wünsch'n enk hiazt nu a wengal an Durscht,
da Yachtclub soi brennan, wei ins ist des wurscht!

Refrain: Holadaridio holadaro – holadaridio, was sagst denn da!